

文苑英華卷第九百六十一

誌二十七

雜一

王勣自撰墓誌一首

楊去盈墓誌

一首

楊去溢墓誌一首

梁錡墓誌一首

一首

陳明經元敬墓誌一首

高氏子墓誌一首

陳孜墓誌一首

自撰墓誌

王勣

集作績

王勣者有父母無朋友自爲之字曰無功焉或問之箕踞  
不對蓋以有道於已無功於時也不讀集作聽書自達理不  
知榮辱不計利害起家以祿位歷數職而一進階集作進  
才高位下免責而已矣集無此字天子不知公卿不識四十五

十而無聞焉。於是退歸，以酒德遊於鄉里，往往賣卜時時著集作看書行若無所之，坐若無所據，鄉人未有達其意也。

嘗耕東臯，世集無世字號東臯子。身死之日，自為銘焉曰：

有唐逸人太原王勣，若頑若愚，似矯似激，院止三逕，堂唯四壁，不知節制，焉有親戚，以生為附贅，懸疣，以死為決疣，潰癰，無思無慮，何去何從，壠集作龍頭刻石，馬鬣裁封，哀哀

孝子集作子空對長松。

楊集作從弟去盈墓誌銘

楊炯

古者黃帝軒轅氏，沒帝嚳高辛氏，作幼而徇齊，長而敦敏，則天下之人用其教者，百年忠肅，恭懿宣慈，惠和則天下之人謂之集作稱其才者，八子黃鳥旗而白魚躍集作燦，有周武

之與王，彤弓一而旅矢千，有晉文之啓疆，雖隱集作出公

位，哀侯失國而文之昭也，武之穆也，司徒為五教之官，有

社稷焉，有黎人焉，丞相臨萬機之職，嶠函鼎盛，赫奕於朱

龍，河洛台階，昭彰於白玉，積善餘慶，信而有徵，國子進士

去盈，字流謙，弘農華陰人也，曾祖諱初，周大將軍，隋宗

三州刺史，順楊公，皇朝左光祿大夫，華山郡開國公

公，邑本鄉二千五百戶，唐虞之稷契，魏晉之裴王，晏嬰可

以事百君，臯繇為之，暮九德，麾蓋兵馬，人知牧伯之尊，名

山大川，蘊集作地積公侯之氣，王考諱安，偽鄭王克，遙集作通是

授二十八將，封魯國公，尋謀歸順，為克充所害，皇朝贈大將

軍，旌忠烈也，陶謙雅尚，祖述雄心，會天子之蒙塵，見諸侯

之釋位雖陳平去就潛懷杖劍之謀而石勒凶殘遂及推  
 墻之禍父某潤州句容遂州長江二縣令朝散大夫行鄧  
 州司馬文武兼備清明集作白在躬一作體人無間言位不充  
 量四方取則孔宣父之踐中都百里非木麗士元之登別  
 駕兮夫庭生玉樹身帶金鑲有衛玠之風神有張良之容  
 貌蔣琬之譏盛元集作名責在司空陳蕃之對薛勤志清天  
 下觀其昏定晨省立身揚名恠草蔚其休徵神魚會其冥  
 感莊公獨歎聞穎叔之純深有道相推見茅容之盡禮則  
 閨門雍穆以孝聞也輔仁會友合志同方晏平仲之善交  
 鮑叔牙之知我張琪集作堪是死日妻子唯托於朱暉劉惔生  
 平風月每思於玄度則朋友之德若蘭芬集作薰也朱穆好

學中食忘飡譙周研精欣然獨笑張華四海之內若指諸  
 掌班固百家之言無不窮究鈎深致遠悅丘墳也八音繁  
 會五色章明動天地而感鬼神序人倫而成孝敬陽臺並  
 作楚襄王賜雲夢之田上林同時漢武帝給尚書之筆則  
 瓊敷玉藻未足多集作云也自攝齊東序撰杖西膠唯集作推  
 宰我之能言貴顏回之有德成如麟角道尊於壁水之前  
 翼若鴻毛俯拾於金門之下方將咫尺宣室扈從明庭申  
 賈誼之忠讜盡楊雄之規諫豫章七載擢修幹而聳長條  
 有鳥三年搏積集作高風而運滄海豈期數有迤否天無皂  
 白苗而不秀秀而不實者蓋有是夫古人有言沒而不朽  
 者此之謂也春秋二十有六以上元三年五月二十二日

歿集作于京師勝業里嗚呼哀哉至儀鳳四年十二月二

日歸葬於華陰之某原不忘本也山河鬱鬱松柏蒼蒼骨

肉閉兮歸后土魂魄遊兮思故鄉三荆搖落五都悲涼痛

門戶之無主悼人琴之兩忘嗚呼哀哉其其字集銘曰

高集遠踰濁涇集作清渭天子諸侯司空太尉星辰鼓舞

山澤通氣道在者尊德成爲貴賈家五虎後漢黨錮傳賈

有高明天下稱賈氏三虎五當作三偉節最怒荀氏八龍慈明無雙劍光冲

侵集作斗壁氣浮江據於道德依集作於邦家子之承親温

席扇枕子之友悌同輿共寢朝歌不入盜泉不飲垂露崩

雲繁絃縟錦明經太學射策鴻都揚名集作天子高揖司

徒鱗翮將運波濤不虞子之集作喪也良可悲夫瞻望不

及佇立以泣唯見黃埃心傷以摧躑躅兮徘徊嗚呼今

哉長夜漫漫何時且魂兮魂兮歸去來

楊集作去濫墓誌銘

前人

處士弘農楊去濫年二十即華山公之曾孫大將軍之孫

朝散大夫鄧州司馬之第四子也維嶽有五有華山之金

石焉山阜相屬合集作谿懷谷所以鎮其南也維瀆有四

有河宗之玉壁焉波瀾集作汨起洄洑萬里所以經其北

也言其土地則巨靈之高掌遠蹠作西漢之城池叙其衣

冠則太尉之四代五公爲東京之柱國然後積勲累德枝

分葉散大君有命臨夏日之壇塲天子動容聽秋風之懿

範集作是以熊羆入兆羔鴈成群黃憲之名聞於海內陳

金鼓

蕃之志掃於天下。群童忽聚逢若李而懸集作先知賓客相

過問楊梅而即對。善父母為孝。善兄弟為友。居家可移之

道也。利者義之和。貞者事之幹。元亨日新之德也。若夫節

陵遺策。汲冢殘書。倚相之八索。九丘。張華之千門。萬戶。莫

不山藏海納。學無所遺。至如白雪迴光。清風度曲。崔亭伯

真龍之氣。揚子雲吐鳳之才。莫不玉振金聲。筆有餘力。遠

心天授。高典生知。盡江海之良圖。得煙霞之秘筭。貞不絕

俗。從容於名教之場。道由人弘。坐卧於羲皇之代。于時朝

廷之上。山林之下。英儒瞻聞集作文之士。洪筆麗藻之客。希

末光而影集。聽餘聲而響和者。猶藩籬之望。天地鱗介之

宗。龜龍也。嗟乎陰陽為道。大道無亭毒集作育之心。禍福

人聖人有抑揚之教。智為而斃仁焉。而終今也。則亡歎。頽

回之短命。死而可作。冀隨會之同歸。文不在茲乎。天之將

喪也。以某年某月某日。終於某所。越儀鳳四年十月二日。

歸葬於華陰之某原。林野彌望。關山寥廓。樵童牧豎。孟嘗

君之池臺。一去千年。丁令威之城郭。悲纏於魯衛。痛深於

花萼。姜肱沒齒。無因共被之歡。鍾毓生年。非復同車之樂。

嗚呼哀哉。乃為銘曰。

叔虞建國。天錫之唐。伯僑受氏。食菜於集作于楊。五侯簪黻。

四代軒裳。有德有行。如圭如璋。乃生男子。初集作載寢之牀。

從公小大。辨日炎涼。天下之寶。邦家之光。神鋒太俊。旗鼓

相當。事親以禮。左右無方。交集作友朋以信。芝蘭有芳。文犀

五

健筆白鳳彫章鵬鷲齊致江湖兩忘謂天輔德則惟其常  
藏我吉士于何不傷關山搖落洲渚蒼茫黃塵匝地白露  
成集作霜左右刮骨親賓斷腸摧殘玉樹埋沒金鄉交交  
黃鳥爰集于桑命不可贖人之云亡

從甥梁錡墓誌銘

前人

故右衛率府翊衛安定梁錡年三集作十有八以上元三  
年秋八月某日終于某所圖其景宿天有大梁之星辨其  
物土地有大梁之國考其衣冠人有大梁之姓綜乾坤而  
列位兼水木集作而成文業耕織而樂琴書有梁鳴之雅  
尚生封侯而死廟食有梁竦之雄圖西山求白鹿之仙東  
海受黃蛇之寶曾祖某光祿大夫開府儀同三司驃騎將軍

清河太守右衛大將軍同州刺史上柱國郡守旁通於

日集作建儀同上法於太階光祿大夫下大夫之職驃騎

將軍大將軍之比祖某河南滎池令鄭州司功參軍事冀

州蒲州二府集作州字司馬朝散大夫紀王府司馬襄州同州

二長史仲山宰邑蕭何主吏桓温之徵謝奕暫為司馬之

官周景之禮陳蕃仍降題輿之命考某國子學生霍王府

參軍并州大都督府兵曹揚州大都督府錄事參軍仲尼

閑居曰參不敏天子命我參卿軍事張常山之福應直保

金鈎謝太傅之閨門唯生玉樹所以圓光折水真集作氣

衝天孩笑之時見之者知其孝友能言之際聽之者許其

以集作聰明審清河管轄之天文對江夏黃童之日蝕揮其

仲尼閑居四句殊不可解

勁翮則鳳凰飛鳴集作鳴舞於赤山整其蘭筋則駿馬騰驤於

綠集作陸地若夫神龍負卦瑞雀銜書安釐王汲冢之文穆

天子羽陵之籍莫不因條報葉望表知裏鄭玄殫見覽萬

卷之八千班固洽聞涉五經之四部至如瑯弧夜月筋力

集作角三才鐵劍秋霜煙雲五色莫不推之以智勇成之以

集作於揖讓歷諸侯而說劍直之無前引司馬而操弓觀者

如堵可謂多材天縱盛德日新曼倩不讓於詩書翁歸燕

集作自強於文武由是交通遂廣聲名益振朱家大俠滕公

有然諾之言劇孟過人袁盎有逢迎之禮及其從微至著

資父事君籍集作策冊書之勲業參黑衣之行伍神集作位宮

海外瞻鏤榜於明山太室雲端聽集作奏仙簧於洛水翊鸞

馳道周廬甲觀方當奉詞出使萬里行封受命忘身三軍

拜將豈期年歲朝露浮生過隙漢逸人之雅操命也如何

魯司寇之知言苗而不秀嗚呼哀哉望吾子者空懷倚廢

之歎嗟余弟者獨有忘琴之悲從日月於龜謀考圖書於

馬鬣集作老圖書於鳥逝越以儀鳳三年春二月某日甲子葬於某

所悲夫吾見其進由來孔李之家吾謂之甥實曰何劉之

族陽元既歿瞻舊宅而無成康伯不存對玄言而誰與其

銘曰

山河帶礪金木精靈磊磊集作鬱鬱千丈森森五兵駢駢面披

出入東明人壽無幾皇天不平碑雷郭泰挽送田橫終寂

寥於相宅空嗟歎於佳城

陳明經文粹作我府君有周居士文林郎陳公墓誌文 陳子昂

公諱元敬字其其先陳國人也五世祖太樂梁大同中為

新城郡司馬生高祖方慶好道得墨子五行秘書白

虎七變法遂集粹無此字隱於郡武東山生曾祖湯湯為郡主

簿湯生祖通通早卒生皇考辨為郡豪傑公河目海口顙

集作鸞文粹作欽後漢周欽願注欽或作顙立凡切顙虎頭文粹作顙性英雄而志尚玄

默群書秘術集粹作學無所不覽年弱冠早為州閭所服耆老

文粹作長童幼見之若大賓二十二鄉貢明經擢第拜文林郎

屬憂艱不仕潛道育德穆其清風邦人馴致如衆鳥之從

鳳也時有決訟不取州郡之命而信公之一言四方豪俊

至風景附朝廷聞名或以君為西南大豪而不知深慈恭

敬讓以為德二字文粹作得也州將縣長時或為集作陳議青

癸未唐曆云微公乃山棲絕穀放息人事餌雲母以怡其

神居十八年玄圖文粹大集作天象無所不達嘗宴集有坐然字

謂其嗣子子昂曰吾幽觀大運賢聖生有萌芽特發天下

乃茂六字集粹作時發乃茂不可以智力圖也氣同萬里而遇合不

同造膝而悖古之合者百無一焉嗚呼昔堯與舜禹合天

下得之四百餘年湯與伊尹合天下歸之五百年文王與

太公合天下順之四百年幽厲版蕩天紀亂也文粹無此字聖

賢不相逢文粹有也字老聃仲尼淪溺溷世不能自昌固有國

者享年不永彌四百餘年戰國如磨集粹作糜至于赤龍赤龍

之興四百年天紀復亂胡夷集作胡奔突賢聖淪亡至于文粹

之興四百年天紀復亂胡夷集作胡奔突賢聖淪亡至于文粹



有今 四百年矣。天意其將復周乎。於戲吾老矣。汝其志之。

太歲己亥。享年七十有四。七月七日己未。隱化於私宮。

館 孤子子昂。愚暗集粹。鞠然在疚。不知所從。乃祇馴聖人。

卜宅之義。是歲十月己酉。遂開拭舊塋。奉寧神於此山石。

佛文粹山谷之中岡也。銘曰。

賢者避地。邈其如此。集粹無。往鳳兮。鳳兮。誰能象兮。嗚呼我。

君懷寶不識。集粹。孰知其深廣兮。悠悠白雲。自怡養兮。大。

運不齊。聖賢同同字集。分南山四君。不遭漢天子。固亦商。

丘之遺壤兮。集粹無。

高氏子集粹無墓誌銘

前人

維唐垂拱二年。太歲景戌。七月二十日。殤子高氏卒焉。集粹無

嗚呼哀哉。含瓊敷而不玉。實者有矣。夫吾觀顛元機化。

出入夭壽之數。榮落之原。皆一受而不易者已。悲夫。古人

之仁。懿中庸。不幸短折。集粹無。今復見之於高子矣。高子渤

海。蓀人也。黃州府君之幼孫。宛州府君之叔子。天集粹無。

而岐嶷。實單實晬。集粹無。越在襁褓。神明滋茂。童蒙淵敏。光

潤玉頰。八歲始教。方書受甲子。已知孝悌之道。詩禮之規。

宛丘府君鍾愛之。他日嘗趨庭。與諸兒戲。神清涵泳。綽然

如鳴雛。鵠子有青雲之意也。府君美之。曰能光我家者。此

兒十五。通左氏春秋及尚書。淵塞集粹無。之志。日新宏大矣。

不幸享年十七。遇暴集粹無。疾而夭。嗚呼哀哉。宛丘府君感

慟哀過於禮。曰不恨爾壽之不長。惜爾器之不彰。天何苗

育今也則亡嗚呼吾將老矣爾遠何哉其年七月殯於家  
園日月云徂六載于茲矣天授集作鳳非二年罷集辛卯府君  
方大崇元域以安先兆諸子之柩皆附焉其年二集作非月  
癸卯朔十八日庚申啓殯歸瘞於大塋禮也銘曰  
來不可遏去不可止唯死與生由生與集作以死於戲殤子  
噫何往矣傷慈父之肝情獨冥冥而長已死而有知可也  
若其無知悲爾

陳集作堂弟孜墓誌銘

前人

君諱孜字無怠其先陳國人也五代祖太樂梁大同中為  
本郡大司馬生高祖方慶屬梁亂始居新城郡武東山生  
太父湯為郡主簿太父生曾祖通集作迥非早卒通生皇祖

少習儒學然以英豪剛烈著聞是以名節為州國所服

祖生考元爽保食集作植先人茂德降生於君君幼孤天姿

雄植英秀獨茂集作邁性嚴簡而尚儻之奇愛廉貞而不

拘介獨之操始通詩禮略觀史傳即懷軌物之標希曠代

之業故言不宿諾行不苟從率身克己服道崇德閨門睦

睦字集如也鄉黨集作恂字如也至乃雄以濟義勇以存仁

貞以立事毅以守節獨斷於心每若由已實為時輩所高

而莫敢與爭倫二字集以是鄉里長幼望風而靡邦國賢

豪聞名而悅服方謂拂羽喬木緬昇高雲而遭命大過棟

撓而殞嗚呼天咎予乎時年三十五是歲罷集癸巳有周

天授三年集作二年按唐書天授三年四月改元秋七月

長壽是歲壬辰長壽二年乃是癸巳

卜地集作兆不吉權殯於真諦寺之北園始以今甲午歲獻

春一月乙酉朔二十五日巳酉窆於石溪山之北岡陪考

域集作墳也君家世墳壙在武東山昭穆崇封松柏成列集作

列集作盛至若集作此字無君考遺令獨愛石溪之岡故君從先志附葬

于此嗚呼哀哉始君伯父海內之文人也含紀綱集作純綱之

德有高代之行每見君歎曰吾家世雖儒術傳嗣然豪傑

英雄季世不泯集作秀世濟不泯常懼後來光烈不象先風每

一見爾慰吾家道實謂君有逸群之骨拔俗之標超山越

壑可以駿邁也豈其天絕喪茲良圖嗚呼其元命歟遭命

歟天不佑集作忱歟道固謬歟大圓蒼蒼大方茫茫賢聖同

此之於爾三字集作爾之何傷古人有言珠玉瘞之集作瘞是暴

於中原况吾家道尚儉名訓未墜封樹之禮吾敢過焉是

用錫爾瓦木之器塗芻之靈堯舜之典忠孝之經昭示後

代以安爾形銘曰

我祖之歲蕤兮邈於陳緬遙裔兮此江濱集作濱五代崇光

兮至夫君徽烈英曜兮始氛氲集作芬氲何意嚴霜兮降青春

玉樹吹落兮成黃塵南山無隙兮永幽淪悠悠昭代兮非

卜集作爾辰吾慟感傷兮哭集作號蒼旻問之著策兮立茲墳

乃言千歲集作載兮冠集作冠非來臻黃頭之子白眼集作服人鳴

呼集作嗟爾黃頭兮勿傷神

校正二十九字

七月初九日

文苑英華卷第九百六十二

文苑英華卷第九百六十二

誌二十八

雜二

張處士恪墓誌一首

徐氏子巖墓誌一首

殤子常八墓誌一首

鄭處士穆墓誌一首

李修墓誌一首

殤子穆若愚墓誌一首

裴處士墓誌一首

侯處士高墓誌一首

鄭君子挽墓誌一首

駱處士峻墓誌一首

盧秀才需墓誌一首

龔進士輅墓誌一首

處士張府君墓誌銘

張說

府君諱恪其先晉人晉有張老韓有開地漢有留侯侯八代孫皓為司空司空子宇為北平太守遭漢亂離家於范

陽至玄孫華復為晉司空遇難子孫南渡其處者或寓於  
蒲坂周齊間有歸者因從徙有馬君晉司空十一代孫也

魯祖徵君諱子犯祖河東郡從事諱駿俊父道通館學

士諱弋德音遺範詳諸家牒君孤紹單門傍無兄弟苗而

不秀未仕而卒道未融於邦國位未揚於王庭故老之口

浸遠好事之書又闕是後生不得預聞焉哀哉嗣子晉州

洪洞丞隲襁褓縶麻育於舅氏夫人隴西董氏常州長史

雄之女也早年守義唯鞠一子嚴而有檢勤而善訓成先

人之丕烈貽後嗣之積善徵太夫人德則張氏幾將墜焉

開耀元年十二月二十七日終于集作郟城縣世婦馮氏

之別業春秋七十有二先君之違世也太夫人在堂大門

在殯日月逾邁有志未從是諸孫疾馬焉若履淵谷以景龍

三年歲次己酉冬十月二十六日克葬王父王母於蒲坂

東司空之村成先志也銘曰

綿綿王父續我靈基幼而植德人莫知之烈烈王母克明

克類教成鬻子光我族嗣中條之北大河之東丘陵桑梓

鬱鬱崇崇千年啓室百歲來同未惟先志欽成厥終

徐氏子墓誌銘

前人

徐氏子者名巖字某司封員外郎堅之第四子也驥子睨

雲風毛洗日孝友因性聰敏若神置在膝前已會星辰之

氣戲于床下能記賓主之詞及總角成童精意好學聞一

知十升堂觀奧下筆成章而倫要發言為論而卓詭識者

咸謂增世措之崇蘊益源流之洪潤雖其茂之孫十二飛  
辯班彪之子九歲能文不尚之也天乎何辜顏頊無命年  
十有三歲大定元年九月遭疾而沒嗚呼哀哉瑯月始生  
不見其盈瓊枝方秀不見其茂悲哉銘曰  
生日何淺死路何深珠碎朧月花殘稚林哀哀父母孰處  
其心

殤子常八墓誌

獨孤及

殤子河南獨孤氏小字常八以其弱而未名也故以字稱  
北齊司空行臺尚書令臨川郡王之七代孫有虞安南郡  
長史府君之曾孫穎川郡長史府君之孫左驍衛兵曹參  
軍公之元子秘書省著作郎京兆備備集字之甥生有奇

表溫朗

集作明

聰秀單訐於保姆傳婢之手巖然異於凡童

氣閑體和取與必時諸父諸母每謂與我家者必此兒也

賓客之至者看玉人不暇儻蒙

集無此字

假以壽命則成噐致

位未易度也不幸多病大曆六年歲次辛亥集作丑非十二月

二十二日夭於舒州壽至

集作止

五歲三

集作四非

十甲子長幼

惋毒六姻悼惜嗚呼天將不昌吾後裔乎不然曷使此孩

不至於

集作于

成歟大曆八年夏四月十六日以其喪歸葬

洛陽祔于王父

集有母字

宅兆之側其仲父銜涕書其始終紀

于墓云

此篇誤編在九百六十六卷婦人門今移於此

鄭處士墓誌

梁肅

歲在戊午六月戊子處士滎陽鄭君卒于常州福業寺庚寅權窆于某鄉原嗚呼處士之為人也入則孝出則悌直而不犯柔而不懾好讀周易及太史公書嘗遊於集無南巢作吊夏桀文其辭甚典集作正一作工足見其質嚮使天假之壽與之祿則其道可熾坎壈世故行年三十三集作二而夭哀哉處士諱繆故酸棗令某之孫今黃巖令季江之子故吏部侍郎贈左僕射齊公澣之外孫也合內外之休德成中和之茂行使夫生不得其辰沒不見其親託遺骸於他土顧稚子而未識痛矣夫斯命也於是書石以誌卒葬且懼年祀超忽故月而日之

李儉

集作儉西李君墓誌

前人

君諱儉姓李氏隴西成紀人涼武昭王玄盛之後曾祖如順皇朝太子洗馬生大父元恭開元中以文學政事歷大理卿判尚書吏部侍郎侍即生烈考訥官至太府寺丞君承家集作承休緒少有令聞孝敬仁順弘毅貞亮非禮不言見善必行行有餘力則覃思六經揭厲百氏是故淳秀之氣播為文章發於事業難於進易於退道不苟行位不虛受常州刺史獨孤公及之臨舒城聞而悅之辟為集作從事府遷於常州君亦至焉獨孤公文德為天下望君入則從容討論出則勤慮政事議者以君建大名致厚位必自此始不幸短命享年若干以大曆十二集無此字年春三月甲子寢疾而沒焉集無此子嗚呼天與之才天集無一本作又與之器

不與之壽不與之位天何言哉君娶范陽盧韶女一子越  
在襁褓哭泣無主其仲兄武進尉迅銜天倫之哀謀及卜  
筮以是月既望抱其孤送君之喪權窆于正勤佛寺之北  
原時不利不克反葬集作喪故也友人安定梁肅紀其終始  
德善著于石俾來者有以知君子之墓云

殤子穆若愚墓誌

穆員

穆若愚唐秘書監新安公之孫前御史中丞公之第五子  
貌宜貴壽神宜才藝氣宜淑哲生七年而夭痛莫如之時  
諸父不天方集荼蓼一慟之外且相諭曰老氏謂身為大  
患然則人之生也適與患並男子既亂以往患於是始此  
子也生無有生之患沒有無患之樂一作生無生之患歎然

與大化潛契曠然與太古為鄰齊彼彭聃為歸坏土命也  
如何偃師首陽山之北原吾祖宗之所宅翌日遷柩於先  
府君之後又翌日窆焉貞元十一年六月二十五日叔父  
負記

裴處士墓誌

前人

唐貞元四年春正月負太夫人惟杜氏西階之事命長子  
貲咨於家君習於卜筮展孝思於罔極抒孔懷於同氣躬  
備如新之庶物泊一日二人之具授從父之第湊浮舟于  
河啓殯于淇二月癸巳舅氏奉我外王父朝城府君王母  
豐縣君劉氏泊伯舅之喪至自衛先是卜兆于偃師首陽  
山之北原壬寅遷朝城豐君歸於貞宅伯舅拊馬伯舅諱



浩字某皇朝并州石艾縣丞文行曾孫絳縣令玄度孫魏  
州朝城令翔之第二子也孝弟篤實可移於事君肅恭信  
順可施于有政行成於進而名未之歸學優於用而祿未  
之及天寶末天下亂藏於衛州之別墅昏氛四塞豺虎信  
信行無所從退迫啞噬殷憂不壽發疾而終時至德三年  
二月二日春秋三十有五夫人京兆常氏挈未童之孤孫  
是逃鋒刃保朝夕之不遑而踰月之禮蓋闕乃於其所殯  
焉我慈親念羈魂之靡託若心不忘痛永言改葬與大事  
俱世道多故坎壈未集嗣子佐餘力能學含章而文仕潤  
州叅軍杭州司田越在東南計之靡及夫人後元年棄養  
於潤州宮舍將謀同穴蓋時趣道遠如佐之不至且俟佐

然則夫人之家聲美行請讓於來者之誌銘曰

嗚呼沒而無知也盡我慈親之情成爾孝子之志而已矣  
如有知也父母與子相見泉隧其樂融融其樂洩洩彼美  
家室昔如琴瑟他年令嗣祔玄堂使我長夜覩白日

處士侯君墓誌

李翱

侯高字玄覽上谷人少為道士學黃老練氣保形之術居  
廬山號華陽居士每激發則為文達意其高處駸駸乎集  
有漢魏之風性剛勁懷救物之畧自儕周昌王陵所如固  
不合視貴善宦者如糞溲與平昌孟郊東野昌黎韓愈退  
之隴西李渤濬之河南獨孤朗用晦隴西李翱習之相往  
來汴州亂兵士殺畱後陸長源東取劉逸淮乃作弟汴州

文投之大川以訴貞元十五年翱遇玄覽於蘇州出其詞以示翱翱謂孟東野曰蜀本有誠之至者必上通上帝聞之劉逸淮其將不久後數月而劉逸淮竟死其首章曰穹穹與厚厚兮鳥憤予而不據翱以為與屈原宋玉景差相上下自東方朔嚴忌皆不及也達奚撫為楚州起攝盱眙祭酒李公遜刺衢州請治信安其觀察浙東又宰于劍三縣皆有政不幸得心疾留其子徇兒於翱家而歸廬山不到卒於江西其子壻王適使備吉勉求君所如蜀本值君卒吉勉以君喪殯於襄州之野而復於適適又死適之妻使吉勉來告於翱翱以徇兒歸適妻居二年適妻又死徇兒尚童翱慮吉勉之短長不可期則君之喪終不墳矣故使吉勉往葬之而識其墓以示徇兒

有唐君子鄭公墓誌銘

歐陽詹

貞元十一年歲在乙亥某月日清源郡晉江縣君子鄭公年若干終于其居州間親識遠近漣涕重吉人也嗚呼杞梓植於深林雖人不知不妨其為天下之材也珠玉碎於重泉雖人未玩不妨其喪天下之寶也公之生則深林之材公之沒則重泉之寶不知而有未玩而亡哀哉公諱晚字秀集作季實其先宅滎陽未嘉之遷遠祖自江上更徙于閩今為清源晉江人曾祖某官祖某官父某官太夫人同郡穎川陳氏育者三男三女公則長男也自七八歲則明敏嚴潔無復童心泊十二三則溫良貞亮有成人之德既

冠儀表可觀孝悌惠和侔於前哲人望無間時譽皆歸鳳  
不近腥龍多自盤優遊仁里四十不試詹有若如集無人

之妹獲配於公公太夫人早亡集作世妹不逮事則見公霜

露之感蒸嘗之敬公尊府君近捐其旨妹及同養則見公

晨昏之愛縗斬之至奉公居閨門鄉黨者十有五年故集作

願詹於公善良內外兼得受命不求其如命何蘭芳集作芬

蕙馨或亦中敗惜哉子二人皆幼公在日名之曰彥文彥

章詹既在京師不遂撫慰來人有述實孺能號妻亦聞哀

有過人禮不逾制定集作窳取遠日堂殯三年以貞元十三

集作二年某月日未厝于郡城東偏闡儒里常熟湖之北原

禮也妹有遠告咨余題誌既忝親集作貞懿實舊知人江嶺

則遐想像不昧取斯思集作芳茂為寄銘墓誌云集作以

寄為銘

有斐秀集作李實君子之禎忠信溫良自幼而行少不改任

長更推誠材植遠林寶產遐壤無知無玩自生自喪骨肉

歸土用瘞斯原嗚呼斯原未棲君子之魂

駱處士墓誌

杜牧

灞陵駱處士名峻字肅之華州華陰人也當建中四年年

二十遊京師值泚亂為其黨源休拘委以軍集無此字事處士

逸一日夕行二百里拜親於華陰因啓度賊終不能東出

百里間鄉里不足憂願得一見天子於艱危中遂入奉天

至漢中屢以兵食干執事者後長安李懷光踵叛關中公

私飢李馬渾兵十餘萬計日餉食有司因請授處士岳州  
巴陵尉繫職於饋運間後四遷至楊州至作士曹參軍至

元和初以母喪去職哀哭瀕死終喪因曰汗音吾跡二十

餘年食豐衣鮮以有養也今可以行吾志也乃於灞陵東

坂集作下得末集作樹以居之相國杜公黃裳在蒲津相

國張公弘靖在并州大梁渾尚書鎬在易定潘侍郎孟陽

在蜀之東川司徒薛公萃集作萃在鄭滑皆挈卑詞幣馬

至門曰處士不能一起助我為治乎皆以疾辭長慶初桂

府觀察使杜公凡兩拜章乞為梧州刺史詔因授之眾皆

曰今黃家洞賊熾邕容兵連敗縮首不出猶昇驚耳交趾

殺都護復早亂相仍朝廷豈捐此三處不以公治之而天

置公為梧守耶處士慘而讓祇以疾辭解訖不言其他爾

後人知其堅不可復動矣田三百畝果蔬占其一粹墾辛

苦不受一人錢惠朝之名士多造其廬未嘗以栖退超脫

之高露於言色温敬畏下如勇於仕進者論及當代利病

活人綏邊之策必疊疊盡吐冀達於在位者至於安危機

鍵之語默不出口尤不信浮圖學有言者必約其條目引

六經以窒之曰是乃其徒盜夫子之旨而為其詞是安能

自為之善圖山水狀鑿者比之朱審王維之儔鄉里百家

聞訟集作吉凶一來決之凡三十六年無一日不自得也

以會昌元年十一月某日卒年七十九以某年月日歸葬

於華陰縣先人之墓處士常曰相國劉公晏不急征不橫

賦承喪亂亂集作亡之餘食數十萬兵者二十餘年斯過蕭何

遠矣每長短校量今古富人強國之術我烈祖司徒岐國

公丞相趙國公李公當貞元元和時儒學術業冠天下每

與處士語未嘗不嗟嘆其才恨其尚壯不可屈以仕優禮

接之嗚呼賢哉銘曰

不見可欲使心不亂古之作者窮栖自斲斲集作鍛子伯子至王

霸夕卧向栩相趙馬良車煥子夏高策心中交戰處士之

居洛集作洛青門畔文駟連羈繡鞞集作軒交貫危冠自喜音戲

前集作首縈後絆言訖揖去一如不見我齒未衰誰為集作知

已知岐公主師見必迎善語必移特論兵計食屈指無

功名富貴不能鈎集作鈎之諸侯六辟南服一麾笑而不答

亦無是非三百畝田百實滋繁集作繁三十六年食具衣寔

人集作今其去矣誰知其端嗚呼賢哉

范陽盧秀才墓誌 前人

秀才盧生名需字子中自天寶後三世集作代或仕燕或仕

趙兩地皆多良田畜馬生年二十未知古有人曰周公孔

夫子者擊毬飲酒馬射走兔語言習尚無非攻守戰鬪之

事鎮州有儒者黃建鎮人敬之呼為先生建因語生以先

王儒者之道因復曰自河而南有土地數萬里可以燕趙

比者百數十處有西京東京西東集作京是有天子公卿士人

畦居兩京間皆億萬家萬國皆持其土產出其珍異時節

朝貢一取約束無禁限疑忌廣大寬易嬉遊終日但能為

先王儒學之道，可得其公卿之位，顯榮富貴，流及子孫。至老不見戰爭殺戮，生立悟，其日即陰約母弟雲，竊家駿馬，日馳三百里，夜抵襄國界，捨馬步行，徑入王屋山，詣諸道士，觀道士憐之，置之外門廡下，席地而處，始聞孝經。集作開孝經論語，布褐不機，粹草爲茹，或竟日不得食。如此凡十年，年三十有文有學，日閑習人事，誠敬通達。汝洛間士人稍知之，開成三年來京師，舉進士，以集作於是群輩中首首然。凡曰進士知名者，多趨之，願與之爲交。生嘗曰：丈夫一日得志，天子召坐於前，以笏畫地，取山東一百二十城，唯我知其甚易耳。因言燕趙間山川夷險，教令風俗，人情之所短長。三十年來，王師攻擊，利與不利，其所來且明白如影。

畫一，一可以月，稅開成四年，客遊代州，南歸某月某日於晉州虞邑縣界，晝日盜殺之。京師名進士聞之，多有哭者。資其弟雲至霍邑，取生喪來長安，以某年某月某日，葬於城南某縣某鄉某里某所。資費皆出於交游間。曾祖昌嗣涿州刺史祖顥。集作顥易州長史父勸鎮州石邑令。某常以生之才節薦生，列集無於公卿間，聞之，死哭之，因誌其墓。

進士龔軺墓誌

前人

會昌五年十二月，牧自秋浦守桐廬，路由錢塘，龔軺袖詩以進士名來謁。時刺史趙郡李播曰：龔秀才詩人，兼善鼓琴，因令操流波弄清越，可聽及飲酒，頗工。集作攻章程謹雅而和，飲罷，牧南去，舟中閱其詩，有山水閑淡之思。後四年

守吳興因與進士嚴憚言及鬼神事嚴生曰有進士龔輅  
去歲來此晝坐客館中若有二人召輅者輅命馬甚速始  
跨鞍馬驚墮地折左脛旬日卒余始了然憶錢塘見輅時  
徐徐尋思如昨日事因知尚殞于野乃命軍吏徐良改葬  
于下下山南去州城西北一十五里嚴生與輅善亦不知其  
鄉里源流故不得記嗚呼胡爲而來二鬼驚馬折脛而死  
歲大中五年辛未歲五月三集作二日記

校正二十六字

七月初九日

文苑英華卷第九百六十二

文苑英華卷第九百六十三

誌二十九

婦人一

周譙國公夫人步陸孤氏墓誌一首

周趙國公夫人紇豆陵氏墓誌一首

周安昌公夫人鄭氏墓誌一首

周大將軍隴東郡公候莫陳君夫人竇氏墓誌一首

周冠軍公夫人烏石蘭氏墓誌一首

周鄭國公夫人鄭氏墓誌一首

後魏荊州刺史賀拔夫人元氏墓誌一首

周長孫都督夫人羅氏墓誌一首

周拓拔儀同夫人尉遲氏墓誌一首

周柴驃騎夫人李氏墓誌一首

周譙國公夫人步陸孤氏墓誌銘

庾信

夫人諱字本姓陸吳郡人也天子拓境百越來庭丞相勒  
兵三江席卷高祖載為劉義真長史留鎮關中既沒赫連  
因即仕魏臨終誠其子孫曰樂操土風不忘本也言念爾  
祖無違此心祖政驃騎大將軍儀同三司恒州刺史父通  
柱國大將軍大司馬文安公匡贊經綸參謀揖讓名高廣  
武功重長平夫人七德含章四星連曜敬愛天情言容禮  
典九日登高作銘秋菊三元告始或誦春椒年十有四總  
于譙國友其琴瑟愈恭節儉之心伐其條枚實秉憂勤之  
德鄴地登高之錦自濯江波平陽採桑之津躬勞蠶月天

和元年冊拜譙國夫人東武亭之妻既稱有秩南城侯之  
婦還聞受封柱國殿下以名華分照增城峻土揚旌棘道  
問政叩都白狼之溪途艱黃牛之坂荔枝之山地險浦蕭  
之國夫人別離親戚關河重阻夷歌一曲未足消憂猿鳴  
三聲沾衣無已一作有感是以天厲之疾遂成沉痾玉瀝難開

金膏實遠建德元年七月九日薨于成都私第春秋二十  
有一即以其年十一月二十二日歸葬長安之北原詔贈  
譙國夫人禮也殿下傷神秋月掩淚長松周季直之留書  
更深冥漠潘安仁之詞藻徒增哀怨豈言西河女子獨見  
銀臺東海婦人先逢金闕銘曰

菱疑陵反旆椒山止戈金精據嶺昌閣凌波西遊卿相東



裂山河華亭冠冕穀水絃歌震維徒族燕垂從官塞入飛  
狐關連鳴鴈策預登阜功參臨澗寶鼎留銘彫戈餘贊應  
圖淑令秉禮言歸魚軒馮軾澤雉文衣明月照鏡仙石支  
機行雲細起迴雪輕飛北降帝子南麾蜀守若水既開靈  
山已鏤月峽猿啼江神牛鬪星機北轉日轡西迴陽泉伏  
氣陰律沉灰鶴辭吳市鳳去秦臺神光離合燈影徘徊雙  
流反奠百兩迴旌少女離位夫人去城帷堂野設帳殿郊  
營山川奇事風月無情搖落丘隴荒涼封域樹樹秋聲山  
山寒色草短逾一作愈平松長轉直節墳方固園陵未植

周趙國公夫人紇豆陵氏墓誌銘

前人

夫人諱含生本姓竇扶風平陵人魏其朝議列侯則莫能

抗禮安豐奉圖功臣則咸推上席外戚列傳既聞建武之  
書仲山古鼎或表單于之獻祖畧少保建昌郡公父織柱  
國大將軍大宗伯鄧國公孟津大誓常預同德之臣咸陽  
違約克贊先登之主並得位入六府功參八柄夫人有文  
在手有象應圖榮曜夙彰徽華早茂肅恭以禮受教於公  
宮言容以德有聞於師氏及乎進賢君子內主邛邛琴瑟  
任堂輜輶是服長久於節不無秋菊之銘履端於始或有  
椒花之頌豈止莊姬掩淚一作笑楚相知慙定姜問北齊兵  
不入武城二年冊拜趙國公夫人漢王聞立義之婦邑以  
延鄉齊侯見有禮之妻封之石窾異代同榮差無慙德柱  
國殿下居若木之一枝在天漢之別派揚旌玉壘驅傳銅

陵南通向日之民東被無龍之國夫人從政月峽贊德雲  
門錦濯江波還臨織室山明石鏡即對粧樓既而玉律頻  
移金爐不變胡香四兩嗟西域之使稀靈草一枝一作恨

瓊田之路絕天和五年四月二十二日薨于成都之錦城

春秋二十孫子荆之傷逝怨起秋風潘安仁之悼亡悲深

長簾况復仙臺未別無復簫聲傳母長歸唯留琴曲七年

二月日歸葬於長安之洪瀆原詔贈趙國夫人禮也雲雨

去來既留連於楚后光陰離合實惆悵於陳王銘曰

河西斗絕觀津孤起章武賢臣安豐賢仕木樓千仞金山

萬里紹慶邢姨基昌宋子施衿趙北侍姆秦南紘緹禮數

厭狄駢驂義超江汜仁流葛覃玉筐迎鸞金籠助鸞敬愛

純深端莊淑問有光國史無形喜愠舉案外恭停機下訓

馨馥於蘭年華於舜風雨消散神靈離絕婺女還星姮娥

歸月左楹夕奠高堂朝發空揚凌波更無迴雪下平曰隰

高平曰原西臨水井北望塞門猶垂雉服尚駕魚軒平原

忽矣天道何言山迴地市路沒滕城松悲鶴去草亂螢生

新雲別起舊月孤明賢墳永式節隴常貞

周安昌公夫人鄭氏墓誌銘 前人

夫人諱某滎陽武人也周宣王之母弟俾侯于鄭鄭莊

公之重世卿士於周以國為族自茲而始祖瓊太常恭侯

父穆司空貞公西京賦詩奉常栢梁之宴東都言識司

空為武衛一作玄武後漢王梁傳赤伏符曰王梁之神名司空水土宮也之官籍

連帝譜既同盤石門稱通德無廢儒林夫人禮義閨門端  
莊令淑采采芣苢萋萋葛覃及乎作配君子言事舅姑下  
氣怡聲承巾奉帚親戚惟禮閨闈以睦保定二年冊拜榮  
陽郡君序戚升榮從夫有秩豈惟立義一作德之婦邑以延  
鄉有禮之妻封之石窰大將軍沉屏二江夫人聞猿三峽  
明月靈關之阻秋風蜀道之難掩以瑤華先從春露天和  
十八年五月二十日薨于成都春秋三十六年詔贈安昌  
國夫人禮也即以其年十一月十六日歸葬于咸陽之白  
起原遂使山迴反壤先封節婦之陵日入虞淵實掩賢姬  
之墓嗚呼哀哉乃為銘曰

天河開國分畿置政地有十城人居九命疇昔之邑今茲  
成姓識履傳風參輿留慶三星在戶百兩言歸虔恭內政  
榮曜中闈承姑奉盥訓子停機桑園蚕績綿室鸞飛珩璜  
節步藻火文衣巴水幽咽猿鳴斷絕月落珠傷春枯桂折  
趙琴長辭秦簫永別貞姬掩隧節女封墳洛濱無月荆臺  
失雲鳥悲傷聽松聲愴聞千年遂古百代餘芬

周大將軍隴東郡公侯莫陳君夫人竇氏墓誌銘

前人

夫人諱某扶風平陵人也章武開國名高外戚之右安豐  
入朝位在功臣之上祖以孝昌之始主諾淮陽父以正光  
之初褰帷海岱夫人生於禮義之門宗於箴誠之德虔恭  
惟禮令淑惟儀及乎百兩言歸三星在戶箴盥禮記始事

條枚是則有子從政猶無逸豫之心有夫出征自識山陵  
之兆大統十六年冊授未安郡君婦以夫尊親由子貴朝

章家慶一作承家之慶兼而有之保定二年改授隴國夫人車服

禮數桂襦典則有美河魴足光彤史既而風霜所及一作屬

灰瑄遂侵與善何言至于大漸天和六年四月七日薨春

秋六十有六即以其年十月十日遷葬於咸陽萬年一作石安

堂唐書地理志咸陽無石安縣而此卷元氏誌文云咸陽石安原縣之杜原山形起伏既

符白鶴之祥地勢風煙乃合青鳥之氣銘曰

觀津世族平陵豪姓四侯登仕三君從政白狼建功丹蛇

襲慶漢之廣矣先聞淑令君子朝端賢才家政簪珥以禮

軒車以命讓果成廉推珠止競百年超忽千金莫恃室謝

賢夫庭辭貴子歸鞶輟露采繁廢祀室委眠蚕衣留畫

一作元衣首一作雉非雲垂下澤日掩高春空帷舊館虛幕新封山廻

廣柳路沒深松遊魂幾變大人何從

周冠軍公夫人烏石蘭氏墓誌銘 前人

夫人諱某樂陵人也晉司徒樂陵公苞後子孫就封因即

家馬扶風舊城猶存鉄市河南故墅尚餘金谷或寓燕陸

仍仕代郡祖行代郡尹父魏司空蘭陵郡公司空佐命魏

朝少傅丞疑周室並為大族俱蒙賜姓秦晉匹也是曰通

家夫人年十七歸于宇文氏淑令端莊含章貞吉箴禮

作惟儀閨闈已正某年除金郡君某年改授冠軍國夫人

四德小君宜其家室三事內主翻辭贊務以保定五年四

月遣疾薨時年四十有四即以某年某月日歸葬於京兆之某原人世風煙山川超忽陵波青麥儻逢貞女之墳隴首白楊或表賢姬之墓乃為銘曰

三星麗天五岳鎮地禮有其秩人居其位燕趙多奇山川雄氣挺茲令淑惟此含章王生庭照蘭開室香那姨褰服宋子河魴百兩言歸九儀從聘榆狄七彩軒車六命鼎宰辭親槐庭贊政世為閩水人成大夢迴帳山門移燈泉洞金棗長含銀蠶未送香填栢榔路閉松城悲鸞獨影雄劍孤鳴留連趙琴悽愴秦笙

周大傅鄭國公夫人鄭氏墓誌銘

前人

夫人諱某榮滎陽開封縣遠里人也七子賦詩足光賓客三

卿從政實靜諸侯驟乘則晉后停輿來朝則漢君識履華胃蟬聯無虛史籍祖那秦州別駕父茂伯撫軍將軍涼州刺史伯陽縣侯夫人令淑早聞芝蘭獨茂既容既德言告言歸悌實溫清恭惟箴禮記太傅弼諧周室股肱攸寄

夫人輔佐君子勤勞是司琴瑟既友條枚無伐故得用之邦國成之孝敬某年月日封鄭國夫人榆狄既加紘紼是務夫人疑有安世之貴躬服浣濯子有文伯之尊無忘機杼表裏惟安閨闈且正醫門有疾藥對無徵天和三年三月二十日薨葬于長安之石安原世子某兄弟並勗慈訓咸遵母儀霜露深悲寒泉增慟銘曰

居德圃田當官教府置騎賓來開黌學聚福履家室賢才

踵武棠棣之華螽斯之羽人倫七德風化二南采采芣苢  
萋萋葛覃節行聲玉副加笄一作珈簪一作副柳園秉杼桑  
津浴蠶春秋超忽零落無非一作時家亡淑女國喪賢姬香  
墳未送舞鶴長辭山深月闇風急松悲千年開閉將驗靈  
龜

後魏驃騎將軍荊州刺史賀拔夫人元氏墓誌銘

在河之洲聞君子之配德言采其蕨一作薄見夫人之有

禮用之風化人倫厚焉夫人諱安字大羅河南洛陽人也

祖某京兆康或改作尹非王父昭驃驍大將軍開府儀同三司

錄尚書司州牧汝陽郡王跗萼雄圖堦基霸迹公卿之室

將相維國維家夫人能脩法度無思犯禮恭儉節用憂

進賢大統五年封樂安公主歸于賀拔氏時年十三思

憂勤化成婦德彤管載暉棠棣早茂及乎謳歌有歸愉欣

降等輔佐君子猶安其室周天和元年乃封章武郡君霜

露不居風煙飄忽遘疾累旬奄捐館舍以周天和四年二

月二十六日薨於長安萬年里春秋五十有二詔贈頃丘

國夫人禮也即以其年三月二十日歸葬於咸陽之石安

原既異乘鸞翻然未去雖非舞鶴即掩泉門欲誌佳城乃

為銘曰

逸矣雄謀悠哉霸轍九服潛運三川中竭卿相連鑣賢才

舞疑絕琬琰令淑施衿結檣方之棠棣譬以螽斯既全婦

德遠稱母儀遊疑作逝水滔滔危途冉冉問藥無對永冊不

文苑英華卷一百一十五

驗狄服空陳絃機虛掩郭門路轉哀挽途窮隴深結霧松  
高聚風春蘭秋菊唯始唯終

周大都督陽林伯長孫瑕夫人羅氏墓誌銘

夫人諱某恒州代郡太平縣人祖某父協周大將軍南陽  
郡公夫人資於事親躬奉訓誡教於宗室足聞詩禮及乎  
言歸肅恭如事蘋藻維敬絃綖是勤內位克諧中閨以睦  
年齡不競霜露先侵更延無壽疑之杯遂闕長生之枕以  
周天和四年二月八日薨於長安之洪固鄉時年二十有  
三其年某月日葬於萬年縣之壽里山非宋國翻爲節女  
之陵地異荆臺遂有賢妃之墓銘曰

畢狼建國靈武開都地接天柱山臨寶符人資義烈世襲

維圖萬軍維姜棠棣棣早感既安淑德爰從配命四教弘宣  
三星克正霜凋桂苑風落芝田三從闕性五福傷年歸安  
未絕言告長捐悽切郊野紆廻隰原風慘雲愁松悲露泣  
朗月空嗟傷神何及

周儀同松滋公拓跋兢夫人尉遲氏墓誌銘

夫人諱某河南洛陽人也祖父太師柱國公魏室喪亂經  
綸夷阻周朝建國匡翊揖讓圖謀帝系即有內外之親分  
裂山河仍爲舅甥之國夫人容範端莊儀形淑令六義觀  
德南風有夫人之詩八卦成形東方有少女之位外傳習  
言公宮教業箴禮記盤作晉線纒佩悅蒞蘭年十有二出適儀  
同拓跋競衣且翟服既得宗婦之儀乘其魚軒還從列國

之禮標梅三實無闕其時天桃九華能脩其政某年某月  
冊拜迴洛縣君母金明公主魏文帝長女春則帝女採桑  
秋則王姬築館夫人出入主家遨遊戚里濯龍園苑長門  
宮殿既而膏腴一作疾美疾一作疾華茂傷年沉痾牀帳蒸離寒暑  
三世之術無乏一作於醫門百草之本途疑窮於藥性建  
德三年五月七日亡春秋三十昔西河女子值九節之葛  
蒲東海婦人得三山之芝草無由再遇悲矣如何即以其  
年十一月十五日葬於京兆之北陵原龜筮告辰丘陵燔  
奠西臨織女之廟南望湘妃之墳嗚呼哀哉乃為銘曰  
父曰帝師母曰王姬車服不繫江漢無思是生令淑觀禮  
敦詩聲超宋子德茂邢姨繼世盛德思賢克舉奠鴈迎門

儒一作儒是蘋實俎奉盥如事移茵即序春水浴蠶秋機秉柱

帝鄉近親帝城近臣濯龍親戚平陽主人金波迴月玉樹  
臨春弄玉鳳凰昌容紫草自此千年無人得遊舜華榮曜  
飄零何早渭水北原平陵故園纔通谷口即望寒門吁嗟  
此地去矣歸魂孟冬十月長松九年親賓掩淚悽愴何言

周驃騎大將軍開府儀同三司冠軍伯柴烈李夫

人墓誌銘  
前人

夫人諱某隴西狄道人也周有柱史夫子以之一作龍

漢有將軍宛城以之輸馬復有西入上書仍為秦國之相  
東向開計即是韓王之師父宜使持節大將軍南北二華  
州刺史順陽郡公魏武皇帝之長舅也穰侯魏冉居咸陽



之宮曲陽王根借明光之殿語其貴戚差足擬倫論其退  
謙彼多慚德夫人幼而聰敏早聞令淑形一作管有美賢

才見稱弄其紙筆懼失諸兄之意剪其齧齡疑二字畏傷王

母之心年十有一出適驃騎大將軍開府儀同柴烈烈以

上將頒朔一作中台受任軍國忠勤規模繁摠夫人輔佐

君子言容匡贊增曜三星欽明四德授中沃盥有謹於事

姑斷織停機無忘於訓子保定二年冊授大夏縣君既以

夫尊又云子貴乃遷順陽改郡君夫人之邑或用鄉名小

君之號多從夫秩典冊光臨足稱榮寵本有風氣之疾類

年增動畧多枕卧飛龜之散遣疾無徵畫龜之符留年不

驗以今建德四年三月日薨于館舍春秋四十九即以其

年八月日葬於長安之洪漕原神光離合尚在河瀨雲氣

徘徊猶歸樓下嗚呼哀哉乃為銘曰

上書秦相立功漢將隴水分流秦川遙望秋陸俗勇金行

地壯廣武軍中安平河上妻者齊也謂嫁曰歸三星夜照

百兩朝飛榆狄有典容禮無違台庭等秩一作侯一作服

同衣子奉母儀夫聞家政七族承和九閨連慶紛悅恭肅

溫清孝敬杼秉秋成蠶隨春令一作年華未落電影先過徒食

日氣空飲天河星凋玉井月捐金波虞淵落日薤露哀歌

寂寞虛奠荒涼象設幽隴龜封重泉蟻結秋色悽愴松聲

斷絕百年何幾歸於此別

校正三十六字

七月初九日

文苑英華卷第九百六十四

誌三十

婦人二

彭城公夫人爾朱氏墓誌一首

東平夫人李氏墓誌一首

李參軍妻張氏墓誌一首

館陶郭公姬薛氏墓誌一首

高明府妻宇文氏墓誌一首

崔主簿妻劉氏墓誌一首

節愍太子妃楊氏墓誌一首

彭城公夫人爾朱氏墓誌銘

楊炯

夫人爾朱氏河南洛陽人也若夫陰山表裏衝北斗之機

衡瀚海彌綸直西街之畢昇四時銜火燭龍開照地之光  
 六月搏風大鵬運垂天之翼由是奄有京縣遂荒中土車  
 書禮樂三王之損益可知將相公侯百代之山河不殞祖  
 敬 敝隋儀同三司金紫光祿大夫岐同金申信臨徐七州總  
 管兵集作藩部尚書金集作邊城郡開國公天列尚書之星地  
 標光祿之塞出身萬里知呂岱之元勳專命一方識劉弘  
 之重寄父休寂隋左千牛備身朝散大夫齊王府司馬襲  
 封爵金集作邊城公大夫稱代諸侯胙土淮仙致雨仍攀桂  
 樹之山楚客臨風更入芙蓉之水夫人玉臺貞氣金河仙  
集作靈液蔡中郎之女子早聽色絲謝太傅之閨門先揚  
 則彭城公發源殷伯承家漢相山川氣候彰白武於阜

象緝休徵下蒼龍於曼倩三星照夜佇稽鳴鴈之期七  
 乘秋坐薦飛皇之兆夫人年甫十八遂歸於我巫山南眺  
 逢暮雨於瑤姬華嶽西臨降明星於玉女動合詩禮言成  
 軌則晨昏展敬事極於移天蘋藻挈誠義申於中饋女郎  
 砧石響明月而思秋風織婦集作女機牀聽寒蛩而催絡緯  
 用曹大家之明訓執宋伯姬之貞節如以心依八覺理會  
 三空遊智刃於檀林泛仙舟於法海幾神獨照默言象而  
 無施空有蕪忘束筌蹄而不用人生天地壽非金石銀臺  
 竊藥想奔月而何年金殿一作玉釜煎香思反魂而無日  
 以某年月日終于平康集作原里之私第越上元三年十月  
 二十日合葬于城南之畢原禮也齊侯寢側杜氏階前對

文王之畢原用周公之合葬偃松千古長無寡鶴之悲文  
梓百尋還見双鴛之集其銘曰

合葬非古周公所存死生千載棺槨雙魂野曠風急天寒  
日昏煙霾杳嶂霧失遙村紀黃絹之碑表對青松之墓門

伯母東平郡夫人李氏墓誌銘 前人

夫人姓李氏隴西狄道人也自涼武昭王以後一門三公  
為四海著族國史家謀詳之矣祖克穎後周大將軍滑州  
刺史流江郡公考玄明皇朝上儀同呂濟三州刺史成紀  
縣男出入三朝剖符分竹秦隴河濟之地人到于今稱之  
天下士大夫知與不知莫不想望其風采夫人生而純深  
幼而恭敬長而敦睦成而和惠年及初筓甫歸於我執箕

箒奉舅姑人不問於其娣姒妾媵之言閨門之內穆如也

故宗黨推其令問鄉閭以為美談東平公守清白之基逢

太平之日碎命交至聲聞於天集作徵尚書郎遷御史

中丞出為棣曹恒常四州刺史夫人輔佐君子聿修內政

平旦纒笄則有君臣之嚴沃盥饋食則有父子之敬報反

而行則有兄弟之道受期必誠則有朋友之信其婦德也

如此歷職中外聲名籍甚和其琴瑟正其邦家者夫人與

有力焉蓋常喟然而言曰古者卿之內子為大帶命婦成

祭服社而獻功可不勗哉可不勗哉由是服澣濯之衣躬

紡績之事筐筥錡釜之器所以執其勞蘋蘩溫藻之菜所

以明其德非夫博文達禮貞婉聽從者孰能與於此乎及

公乞骸告老退歸初服夫人年踰耳順視聽不衰每獻歲發春日南長至群從子弟稱觴上壽者動至數十百集無此字

未嘗不勸一作言善誘借以温顏侃侃焉閭閻焉有孟母

之風焉有敬姜之誨焉維永淳元年秋八月旁死魄寢疾

彌留終於華陰之望仙里享年八十有一冬十一月一日

景辰遷窆於永豐鄉之平原從先兆也東平公撫存懷舊

用痛悼于厥心遠近咸集宗親畢會生榮死哀其此之謂

矣是日也皇太子監守長安烟黍為詹事司直不獲就展

集作展哀喪次陪奉靈輻敢薦李顒之文庶同潘岳之誄嗚呼

哀哉乃為銘曰

高岳之上浮雲翔兮函谷之外真氣揚兮建功北狄討西

羌兮受封南鄭家素昌兮於赫祖考為龍光兮牧州典郡

佩銀黃兮降生淑質秉禎祥兮茗華翁茂蘭若芳兮我有

懿德如珪璋兮求之卜筮鳴鳳凰兮君子至止玉環鏘兮

室家好合琴瑟張兮執其麻象供衣裳兮羞其饋食澄酒

漿兮諸姑伯媵穆温良兮姨姒叔妹歡未央兮公之出門

牧守四方兮夫人之化德洋洋兮公之告老返維桑兮閨

門之內道彌彰兮正月上日南至長兮子孫歡慶各稱觴

兮宋公集作云孟母魯季姜兮匪怒伊教由舊章兮方期高

舉登紫房兮誰謂不宜集作冥默掩玄堂兮肅肅松楸鬱成行

兮沉沉厚土集作安終不暘兮

袁州參軍李府君妻張氏墓誌銘

陳子昂

夫人諱某清河郡東武城人也集有也字昔軒轅錫胤弧矢崇威

畏其神者三百年得其姓者十四族金貂七葉漢天子之

忠臣昝足三公晉武皇之名相孤卿玉帛世有其庸曾祖

某北齊太常卿徐兗二州刺史天人之禮位掌於秩宗侯

伯之尊寵優於露冕祖某隋汾陰壽春陽城三縣令襲公

侯之瑞屈銅墨之班士元非百里之才太丘有三台之望

父某唐戶部侍郎復毫建三州刺史尚書北斗始贊於南

宮方岳專城終榮於獨坐夫人即刺史集作使君之第若干女

也稟柔成性蘊粹含章承禮訓於公宮集作庭習威儀於壺

則夫其窈窕之秀燕婉集作婉變又作婉嬈之姿貞節峻於寒松韶

儀麗於溫玉鈿華不御飾環佩之容浣濯是衣勒黼黻之

彩自作嬪於君子主中饋於家人三千之禮不違九十之

儀無慝至乃恭於奉上順於接下仁孝以承宗祀慈惠以

睦閨門則雍雍踰踰必由其道矣嗚呼府君不造遺此閔

凶中年不淑集作品早世而殞青松摧折哀斷女蘿之心冊

節集作桂孤高終守栢舟之誓而府君食先人之德無厚生

之財夫人狗黔婁之貞闕冊臺之產一本蓬首嬪居未日

終年處貧素而彌堅保幽芳而不昧始府君之逝有四子

焉少遭罔極之哀未奉過庭之訓夫人保持名教終始禮

經既勗之以義方又申之以遠大皆能率由慈訓克荷家

集作嘉聲箕裘之業載隆燕翼之謀不實非夫淑明賢德集

懿聖善溫良崇婦道之深規弘母儀之至範孰能昭宣令

文苑英華

問若此集作之盛哉彼蒼不忱殲我眉壽春秋若干載初

元年月日遣疾終于洛州某里之私第嗚呼哀哉夫人令

儀有穆惠問無喧敦雅志于詩書婉婉集作情于琴瑟若

乃姆師酒食之儀女工纂組之繁莫不揔制清衷弘宣懿

則茂蘋繁之雅韻集作叶沼沚之芳猷雖古稱敬姜詩云

淑女論容比德殆無以過穠華不居松扃永閔嗣子某等

悲摧欒棘思結寒泉永惟同穴之儀仰遵歸祔之典以大

周天授三集作年二月日朔祔于集作袁州府君之舊塋

禮也合葬非古奉周公之儀墓而為墳宗仲尼之訓嗚呼

鴛鴦之樹眇泣於松楸鼓吹之山緬然於丘隴原陵何代

銘誌無文有哀黃鳥之詩遂勒青鳥之兆銘曰

詩云淑女君子好逑集作懿哉令德嘉儀聿脩温容玉映

峻節松楸妙心彤史絜志玄猷昭宣壺則惠穆蘋洲共伯

早逝貞姜獨晉莞居蓬首哀深栢舟彼蒼不憇此夜長幽

懷南風之吹棘相集作北山以同丘青春兮白日獨昭昭

以悠悠

館陶郭公姬薛氏墓誌銘 前人

姬人姓薛氏本東明國王金氏之胤也昔金王有愛子別食

於薛因為姓焉集無與金氏為姻其高魯皆金玉貴

臣大人也父承集作中有唐高宗時與金仁肝本闕歸國

帝疇厥庸拜左武衛將軍姬人幼有玉色發於穠華羞彩

雲朝升微月宵映也故家人美之少號仙人集備子聞羸臺

有孔雀鳳凰之事瑤情悅之年十五大將軍薨遂剪髮出

家將川本無學金仙之道而見寶手菩薩觀集作靜心六年

青蓮不至乃謔曰化雲心兮思淑貞洞寂滅兮不見人瑤

草芳兮思氛氲集作芬將奈何兮青春遂返初服而歸我郭

公郭公豪蕩而好奇者也雖佩以迎之寶琴集作瑟以友之

其相得如青鳥翡翠之婉變矣華繁絕集作艷歌樂極哀集

悲來以長壽二年太歲癸巳二月十七日遇疾卒三字集

疾而於通泉縣之官舍嗚呼哀哉郭公恍然猶若未亡也

寶珠以含之錦衾而舉之故園集作國是途遙言歸未逾留殯

於縣之惠普寺之南園不亡貞也銘曰

高丘之白雲兮願一見之何期哀淑人之未逝滅集作感

國之春時願作青鳥長此翼魂魄來兮集作歸來遊故國

陳州苑丘縣令高府君夫人河南宇文氏墓誌銘

前人

夫人諱某河南郡人也昔吾君夏后氏之子霸有幽都皇

運北興昇國肝本南起開寶符而帝天下撫璿璣而主中

國則後周之受命武帝之雲孫夫人四代祖也曾祖某失

周子之封亡山陽之國雖在集作存天子之胤已集作類咸

陽布衣植德早夭祖某隋朝官資至集無此澧州澧陽縣

令父某龍州司法皆承家席寵世有令名夫人賁穠華襲

繁祉崇徽蕙穆秀色茗榮自于幼年有令儀也十四適于

高府君夫其溫慈惠和忠信肅穆集作信行有法度動有



禮經嚴恪以理家人憫集作瑟以和君子則以集作含乎

光大矣若乃宗廟哀敬仁孝也姊姒祗和謙順也蠲潔酒

食婦儀也黼黻玄黃女工也弘此四德而務六親擊輓以

文之雜佩以發之荷可以作範母儀昭宣壺則矣至於訓

子以睦教女以順愛下以慈與人以讓外以贊府君之德

內以光中饋之政皆日聞其進不見其退也嗚呼仁而不

壽生而集作求終末淳元年某月遇疾終於集作苑丘縣

之官舍時年二十七嗚呼哀哉高府君尋以公集無事罷

職山瑩未卜旌旒來歸府君思北海之魂留東園而殯日

月遂往九歲于茲府君乃集作崇樹先塋增封舊域以大

集無周天授三集作年太歲辛卯二月癸卯啓殯于集作

東園遷附於洛州某原禮也哀哉夫人雅有高行終而不

忘以為厚葬非禮也是以珠玉不飾塋瓦是藏高府君聿

遵其志率以薄葬於戲非古之明德淑女金玉其光孰可

集無以躋之吾忝門閭之賓觀其家道矣雍穆懿鑠實有

清風故叙之而未克德也銘曰

夭夭桃李有花兮灼灼淑人宜家兮修睦婦道不譁兮窈

窕嬪儀孔嘉兮何榮采之方茂兮而云落兮吁嗟集作而

嗟嗟此字

司屬主簿博陵崔訥妻劉氏墓誌銘 張說

夫人劉氏其先彭城人也隋毗陵郡通守字集無予將之

魯孫唐滁州刺史德祖之孫汾陽集作刺史延嗣之女子

集作也昔武子處秦厥初命集作氏元王國楚是馬昌族盛

德之門龍驥接彩世祿之胄龜虎聯華夫人璇室載蘭蕙

林層秀啾啾黃鳥豔豔清月集作明詩說禮集作聞竊比

諸生茂行淵心實稱士母集作女是及鳳飛落繇夫婦盡琴瑟

之和鷄鳴咸纏舅姑移橋集作喬梓之敬友愛洽乎姒媚任

恤周乎姻戚豈惟禮備澄器工深機杼固以能循法度宜

其室家矣年若干以大定元年七月某日寢寐集作疾而卒

粵二十九日某辰假葬於某里夫國喪賢嬪家亡淑媛母

氏垂白殞集作殯奮所懷稚子始孩剪集作翦馬無恃集作倚嗚

呼天道輔仁人道與順眷茲七德不遐三壽何哉報應之

理豈神食所集作其言脩短之期將事歸於命外姻畢萃累

歎不足夫人即吾姨也今薄譔素履未刊幽石圖史之外

有美存焉其銘曰

崔實齊胄劉亦漢宗崇其顯媿望乃偶集作偶族雙閨闈是穆

饋奠斯恭貞歌浮漢孝室洞集作洞江珪璋異節桃李其容

宜享偕老胡寧鞠凶朝槿飛陌春蘿墜松夫傷子慕去此

何從百歲之後魂兮合封

節愍太子妃楊氏墓誌

前人

開元十有七集作五年二月癸未中宗節愍太子妃楊氏薨

於京師太平里第之內寢越五月景申詔葬於新豐之細

柳原黃陵不從古之道也嗚呼哀哉妃氏之先代居河華

赤泉啓國清白傳家東都之公胄西晉之後族高祖士達

隋開府納言天授中以孝明高后集作氏非之父追封鄭王贈

太尉曾祖緘隋符璽即抗節王充朝廷旌載集作聖朝旌義贈靈

州刺史祖全節左內率贈魏州刺史考知慶千牛豹韜二

將軍若夫軒冕王官同許史之繁漢婚姻帝室比姜姑之

宜周是故二華降靈五河飛譽拜玉冊於文廟儷金璽於

青宮入參視膳之儀出友元真之樂禮陪璽館祭服始於

北郊詩贊鵲巢王化終於南國豈知言集作諫違闕水神往

邛集作邛山七日之望不歸千秋之言何及於是視身知若

幽探白馬之偈覺心等空坐證青蓮之葉久以橋集作喬木

無怙栢舟早誓棣華集作萼先落聖善相依闔門正家稱未

亡而全禮高堂終養不勝哀而遂絕此又禮外之禮孝叩

之孝者也初上在東宮時妃有女弟選為良媛生忠王卜

者曰不宜養爰自襁褓命妃舉字集作之及開元正位良媛

為嬪而卒妃之視忠王也隱觀之訓誨之竭從母之仁慈

倍猶子之珍愛忠王之託妃也敬愛焉聽順焉生盡因心

之樂沒過如母之感且夫慈懋鞠育孝思顧復仁叶恩親

愛備恭睦成天下之百行致生人之五福斯蓋皇極之端

國風之首者矣湖陽王當小宗之祭集無此二字非元妃之喪故

喪挾兩集作二孤而祭殷二國何必鼓吹山上遙傳慈母之

名石闕廟中獨立少姨之像史官承詔勒銘沉碧詞曰

太華北足長河東肘惣粹陰靈妃德儲后鳴美玉佩烟光

金鈕貴嬪長姨寵王從母末訣上賓死孝哀親顧懷孺子

金鈕貴嬪長姨寵王從母末訣上賓死孝哀親顧懷孺子

忍別天人昔貞萬國今撫百神泉燈我夜宮樹他春陵集作  
陸麥秀兮漸漸隴月生兮纖纖霸岸集作去兮無還日青  
門絕兮不集作可瞻石獸遊集作兮綠苔粘宿草殘兮白  
露霑園寢閉兮脂粉膩不知何人兮開鏡奩

訂四三十一字

七月初九日共後四卷

文苑英華卷第九百六十四

文苑英華卷第九百六十五

誌三十一

婦人三

榮陽鄭夫人墓誌一首 燕郡夫人李氏墓誌一首

上邽縣君李氏墓誌一首

鄧國夫人墓誌一首 李氏張夫人墓誌一首

張氏女墓誌一首 涼王妃張氏墓誌一首

贈婕妤董氏墓誌一首

榮陽夫人鄭氏墓誌銘 張說

夫人諱某字某榮陽開封鄭氏之女也集無有唐銀青光

祿大夫行少詹事博陵侯集作崔氏之妻中大夫中書

舍人湜之母也高祖述祖集無北齊吏部尚書太子太保

文苑英華卷一百九十九

榮陽平集無平字簡公曾祖武叔北齊洛州刺史中牟公祖道

援集作授隋宋城令父世基故吉陽令故左僕射安吉公杜

淹太夫人之外王父也夫人家世德門母氏昇冑衣冠禮

樂耳目所徵號之諸生實為女士先夫大夫以崔出秦集作太

岳之胤鄭祖周王之穆長源修麓北濟聯宗集作崇故夫人

年十有七歸于我氏盡敬愛以安舅姑致友穆集作睦以

諧娣姒集作如娣性寬恕尚素雅文而不奢約而不陋故邑號

光啓象服是宜博陵侯更事兩朝多歷官序居必大理去

有遺愛雖毳衣善聽得非雞鳴之弼乎舍人及三弟長安

尉泌藍田尉液左千牛絛咸有當代之名立集作主無過之

凡滋液德教集作教訓琢磨禮範雖趨庭善稟得非闈集作闈是門

之誨乎夫樂得好逑關雎義也鞠成衆子鳴鳩仁也采藻

采藻脩禮度也如山如河有德容也婦禮既成內則用貞

母儀乃行家道以寧於是春秋高矣雅好真諦厭斲禪味

減撤珍華被服慈衣捐斥集作棄文綉惣斯群懿式是六姻

故以嗣徽先姑垂裕來史詩所謂邦之媛也夫人有馬皇

天難忱不享偕老年六十四神龍元年十一月九日遘疾

終於洛陽之遵化里其明年二集作三月某日葬於富平縣

之某原君侯傷神諸子銜恤寘銘幽窆用存終古其詞曰

東惟詹府西望綸闈吾夫鸚麟吾子鶴飛青綬赤芾魚軒

翟衣橋梓灌墓堂堂榮輝如何不淑奄求泉扉漠漠玄夜

容容白日百歲之後同乎此室

容容白日百歲之後同乎此室

右豹詣衛大將軍贈益州大都督汝陽公獨孤公  
燕郡夫人李氏墓誌銘  
前人

夫人諱某字某故代州東治府右男毅都尉幽州高士李  
感之女也本姓張居於清河郡大父玄哲集作誓非官至安東

大都護長史與太宗有故賜姓李氏仕歷檀州司馬始家  
薊城是則帝寵舊臣乃命王族官平朔野因為郡人備哉

孝友清白之仁基金鈞石印之靈慶集作兆必將光大別族  
集作業繁衍淑女彩黛粉敷焜耀華擘若斯之盛也夫人幼

而韶異長而婉穆金聲玉澤薜榮蘭茂傳賢莊姜詩美仲  
氏無以尚也初汝陽公夫人元氏生一男四女而卒繼室  
以夫人封諸燕郡王元生集無生字立及長孫楊氏二女秉螽

斯宜爾之德著鳩鳩均養之仁色無偏和心無殊厚閨庭  
之內邕邕如也雖邑中五服之家門下三年集作千之客莫

能察其異焉求寧里先人之舊廬也有通渠轉池巨石嶽  
嶮噴險集作陰淙灑洄潭沈沈殊聲異狀而為形勝遊衍之

處者十四五前夫人之孫蘇氏之婦弱集有冠字非歲嬉而墮  
焉舉家環流憚莫能救夫人投身赴水或沉或浮久之提

挈僅免其行已也實多此類府君更郎將中郎將各一將  
軍大軍將凡四前後領左右羽林二軍禁營青海鴨綠二

道總管天子元老白首兵欄腹心爪牙朝無與二外受凋  
戈文馬之賞集作資內委金璣寶具集作玉之飾將軍既頒於

部曲夫人亦散於宗姻可謂貴而好禮富而能惠者已及

君子晨歌夫人晝哭喪有過戚集作感慕制無越禮其後法吏

苛禮集作濫余子遠遷窮荒一訣倚閭集作門三歲炎山瘴海

曷云其來施珍玩以奉佛徹滋味以奉道精意入冥明神

與直中興昌曆無廢舊勳先公茂乎飭終愛子榮乎起滯

天步方泰家屯適夷宜享南山之壽奄頓西泉之駕神龍

元年十二月二十二日寢疾終於洛陽之德懋里春秋若

于國墜邦媛宗集作家傾母儀孤胤孝孫哀哀欒棘有詔旨

曰獨孤某妻亡還京日宜給靈輿弁遞悼舊褒德集作功矜

孤恤喪朝之大經者粵以明年十一月二十日卜葬於集

於雍州之某原不從先塋古之道也夫計功伐勒鼎彝非

婦人之事撰德行存國史亦孝子之志乃為銘曰

猶嗟昌兮月出之光如葉莫莫如華皇皇宜啓燕郡作舍

汝陽尊之象服錦衣裝裳以慈行訓曰仁之綱以命易難

曰義之方婦有柔德亦惟其常女之士行于何是集作不臧

彼天蒼蒼胡降百殃捨我媚子捐其高堂丘隴芒芒集作芒芒

風生白楊象物皆盡德音不忘

上邽縣君李氏墓誌

前人集

夫人太祖景皇帝之玄孫西平郡一作原王普定之女也賦

靈陰德資性柔嘉事舅姑盡其敬與娣姒致其睦茂行克

乎內則懿聲溢於外姻雖王家長自傳保而能謙光庶類

降心細物手成朝祭之服躬揉酒食之品凡婦人之所能

事而夫人莫不備焉府君朱紱之歲也於是乎始受封邑

象服盈門魚軒在路姬氏王者之後夫人帝室之親夫貴婦榮於斯為盛及帷堂而哭有敬姜之禮擇降而處有孟母之教入閭侯信有諸婦之期出言成章有衆女之誠受命不淑以其年月日卒於同州之私第以神龍元年十一月二十日合葬於萬年縣白鹿之舊塋有子孫殿中侍御史檢身承家揚名為孝思我母氏感秦伯之詩祈於府君取周公之禮髣髴心迹志之幽石其銘曰

茫茫萬姓朝宗于李婺星分極咸池派水后稷裔孫神貽女士動遵法度居觀圖史輔佐哲夫訓成賢子宜崇徽號以享介祉高堂奄空霜露方始儉用禮節葬非奢美鏡下夢臺衣緘泉笥壠煙不一作散松風長起摘果人迷侵林

默死來言惟孝事親終矣

鄧國夫人墓誌銘

前人

詩美莊姜傳稱孟母庶姬綿邈千載時有荷嗟邦媛柔明  
亶原龜玉毀櫝膏蘭夭壽遠矣皇祖肇自宗伯靈基在晉  
華冒陵江尹茲西楚宅是南邦高蓋結轍圓冠比蹤魏館  
虛待周京長發父對雉風母膺姊集作月珠浦瀆集作潤  
玉林清越昆弟三人羽儀雙闕家芳集作淑女國茂賢妃  
具瞻四德旁通八徽步幃馳辨連環定機調絃魚躍弄杼  
鴛飛媯后集作創業軒宮多事高行登聞大家入侍幽贊  
日月財成天地温室不傳平城盡秘大君命我變禮斷恩  
衛妻空誓息媯集作婦無言均養七子劬勞二門始賦膠木



集作  
氣

終歌采繁多難啓聖群凶構孽明集作家作仇骨權相滅

臨禍不懼忘生蹈節彼何人斯碎此貞烈氣消日朗既安

且平皇心震悼禮備哀榮啓國加等復土陳兵外姻來唁

中使臨塋恭惟夫人宿精知集作又昭昭開士授之心印

古無合葬遺言別墳樂樂孝子敢廢前聞服不珍繡盤無

膩薰室暗泉火松殘隴集作雲神合大化誰爲小君

李氏張夫人墓誌

前人

臨淄李伯魚妻者范陽張氏女諱德性孝悌柔婉能日誦

數千言習禮明詩達音妙績集作德言容工蓋出人也伯

魚天下善爲文擢校書郎出爲青州司功而卒夫人寡居

無子以歸宗焉長安二年四十有八傾逝於康俗里殯於

永通門外景龍三年家疾居貧季弟君集作鬻詞取給冬

十月安厝伯姊於萬安山陽蒼梧不從古之制也北望先

隴集作西接集作丘明靈其嘉永安此室銜哀叙誌嗚

呼孔懷銘曰

送送集作伯姊萬安之墳精靈何處爲雨爲雲彼臨淄兮

千里望倏忽兮夫君

張氏女墓誌

前人

女郎名琰姓張氏洪洞丞府君之少女也聰慧孝友蘇條

鬚哲集作能讀史書善奏絲桐舉族稱集無珍之未集無

成人而天命也聖曆中隨仲昆集有任殯集無於慶州

歸殯於藍田別業景龍年屬家艱季兄君集作徵黃門侍

文苑英華

郎哀請不拜詔許終服家貧備文以取資集作給冬十月獲  
改集無葬女弟於萬安山陽差池姊坐顧瞻尊闕不亡孝  
弟慰爾幽魂會酸屬銘投筆氣索辭集作銘曰  
陟彼京兮痛同生兮奈何朝露在薜榮兮共天地之大德  
焉早落而無成兮

涼王妃張氏墓誌銘

常衮

古之賢妃四德六行則在女史彤管記言納聘入於天宮  
儀刑光於帝闈休有懿範歿而可稱涼王妃張氏族茂清  
河之原家承七葉之盛紱冕繼代勲華襲門曾祖守貞皇  
朝遊騎將軍左衛中郎將羅國公食實封三百戶職雄戴  
勳績茂分茅祖光庭皇朝中散大夫衛尉少集無卿位亞

八屯榮參九列父安仁皇朝正議大夫涇王府長史曳舊  
上邸託乘西園俱傳帶礪之封克承閔閔之後妃早習詩  
禮式遵教義令德令儀有要有倫既當八月之期允叶良  
家之選天寶八載納為涼王妃懿範集作德徽音韶妍婉順  
恭勤朱邸儼恪丹宵友其琴瑟奉以家室瞻鴈池之閔水  
嗟駟隙之末光以廣德二年五月十三日終于上都之內  
邸春秋三十七旋以其年十月六日遷窆於某原禮也涼  
王倚歎蘭臺傷神桂苑梧桐半落鸞鳳孤飛未逝不追嗒  
然增歎詔葬備禮哀榮飾終笳簫在辰旒旂啓路嗣子保  
定郡王仕攀號孺慕惟切蓼莪誌于幽泉銘以貞石慮佳  
城之白日識隴樹之青松銘曰

清河之邑兮地惟古具毓粹華宗兮賢妃誕載柔順內積  
言容外彰謀茲淑德輔佐贊王芳年忽馳大暮何速積善  
虛應兮時長運促空餘懿範兮刻在貞玉

贈婕妤董氏墓誌銘

前人

維唐至德元年歲在癸卯十二月二日美人河內董氏終  
于閩鄉縣之別館春秋一十有八嗚呼哀哉美人蘭質幽  
閑茗華婉麗出自漢臯之曲降於巫峽之楊柳絮題詩椒  
花獻頌德行日集作成于天性藝能豈假於師資既彰絕  
代之姿雅叶良家之選瑤臺入日集作籠金屋流芳映月幌  
而方娥上星地集作而比婺恩多不恃顧重無矜讓以同事恭  
而避寢紫庭集作美彤管旌賢屬綵仗巡遊花鈿侍從方執

中於上陌忽蒙被於離宮天道如何泉扃已矣聖上顧懷  
淑慎言念恩情悲遽夭於先春歎長歸於永夜追加班女  
之秩式慰衛兒之魂以某年月日葬於某原禮也乃命侍  
臣紀於貞石銘曰

二九之年麗容嫣然春風轉蕙秋水開蓮浣紗選貌納袂  
求賢承恩玉殿侍宴瓊筵光陰不借神道何偏椒房愛促  
蒿里悲纏婕妤寵贈女史芳傳丹鳳城外黑龍水邊嗚呼  
此地永閉神仙

校正三十六字

七月初十日

文苑英華卷第九百六十五

